

EXAMEN
IURIDICUM:

Quo

Omnes materiae Titulique Iuris
Civilis in Digestis, Codice,
nec non in Novellis propo-
siti, explicantur.

Autore

D. BERNHARDO SCHOTANO,
J. C. & in Celeberrimâ Academiâ Lugduno-
Batavâ, Iuris Antecessore primario.

et Comm. Curia



AMSTELODAMI

Ex Officina JOANNIS JANSSONII
An. Dom. MDCXLIII.

1

P R I M A
P A N D E C T A R U M
P A R S.

Lib. 1. D. tit. 1.

&

Lib. 1. Inst. tit. 1.

DE JUSTITIA ET JURE.

Quis est finis studii Iuridici ?

IUSTITIA, ejusque administratio, *arg. nov. 30. c. 9. §. 1. nov. 69. in prefat.* Idcirco enim jura addiscimus & docemus, ut advocando, judicando, docendo, æquum ab iniquo, licitum ab illicito separantes, veram non simulatam philosophiam affectantes, Justitiam sedulò colamus. *L. 1. §. 1. D. h. t.*

DE JUSTITIA.

Quomodo definitur Iustitia ?

Constans & perpetua voluntas jus suum cuique tribuendi. *pr. Inst. L. Iustitia. 10. pr. D. h.*

Quomodo dici potest Iustitia voluntas ?

Voluntas, per metonymiam subjecti pro adjuncto, accipitur pro habitu voluntatis. Potest & definitio sic explicari: Justitia est virtus, quæ constanter & perpetuò vult jus suum cuique tribui.

S E C V N D A
P A N D E C T A R U M
P A R S.

L I B E R V.

TIT. I. DE JUDICIIS. Tit. I. Lib: 3.
Cod:

Quid est Iudicium?



Accipitur aliquandò pro ipsa actione, quæ in iudicium deducitur. Sic dicuntur iudicia finium regundorum, familiæ exerciscundæ, &c. aliquandò est legitima disceptatio coram Iudice de re controversa inter litigantes. quo sensu dici potest processus.

Quomodo distinguitur?

Est i. Vel civile, quo actor agit ad commodum suum privatum tantum, quod est ex contractibus; imo & ex privatis delictis, quoties actor ad suam utilitatem tantum contendit: vel criminale, quo agitur ad pœnam corporalem, vel multam fisco applicandam, sive ex delicto ordinario, sive extraordinario, privato sive publico. ii. Vel possessorium, quo de possessione tantum est controversia, uti in interdicitis; vel petitorium, quo ad ipsam rem agitur, huc facit. l. 36. D. hic: iii. Vel ordinarium sive plenum, in quo ordinarius procedendi modus observatur: vel extraordinarium, in quo solemnia processus quiescunt.